

## Tutu ñaovi ña n̄taa taPedro ña ti'ví ra kua'an nda'a n̄ivi na kándixa Jesucristo

*TaPedro ti'ví to'on yó'o  
kuq'an ña chindeé ra n̄ivi na kándixa Jesucristo*

<sup>1</sup> Yi'i, taSimón Pedro, ñii taapóstol ta kisa chiño noo Jesucristo kúu i. Ta táa i tutu yó'o xa ña nda'a ndó'ó, n̄ivi na xa ñaki'in ñava'a ña livi, ña ndáya'ví ní, ña kúu ña ndáa ini ndó Ndios ndatán ndáa ini m̄i ndi Ndios. Ta vitin xa ñaki'in yó ñava'a yó'o, chi ta ta tandaa kúu Jesucristo, taKá'no noo yó, ta kúu ra Ndios, Taa ta Sakaku m̄i yó. <sup>2</sup> Xa'a ña vivii xini ndó Ndios ta vivii xini ndó Jesucristo taKá'no noo yó, ná ke'é Ndios ví'í ní ka ñava'a xí'in ndó, ta ná taxi ra ñava'a koo ini ndó. Ta ná kutú ndaa ini ndó xí'in ndi'i ñava'a yó'o.

*To'on yó'o ká'an xini ñó'ó kutaku yó  
ta kasa ndivi yó ndatán kóni Ndios*

<sup>3</sup> Ta Ndios xí'in ndee ra, xa taxi ra ndi'i ña xini ñó'ó yó ña va'a kutaku yó noo ra ndatán kachi ini m̄i ra. Xa ñaki'in yó ndi'i ñayó'o chi vitin ndino'o ini yó xini yó Jesucristo, ta kúu ta ta nakana m̄i yó ña nduu yó n̄ivi na kukomí ñava'a ña livi ká'no ña kúu ña kómí m̄i ra. <sup>4</sup> Ta taxi ka ra kuq'a ní ka inká ñava'a ná'no nda'a yó, ña kúu ña ndáya'ví ní, chi ñii k'i'va ndatán yóo ña n̄ika'an ra kasa ndivi ra, saá kisa ndivi ra ña.

Ndios taxi ra ñava'a yó'o nda'a ndó ña kuu ndó sa'ya ndino'o ra ta nduu ndó ndatán yóo mji ra. Ta saá kuchiño ndó kuxíká ndó ñoq ña on vá'a ñoyívi yó'o, chi ñivi ñoyívi yó'o ké'é na ndi'i saá ñoq ña on vá'a ña kúu ña káchí ini mji na. Chi ña on vá'a ké'é ñivi yó'o vaxi kua'no ka ña, ta sátiví ña mji na ta saá sátiví ña inka ñivi. <sup>5</sup> Ndó'ó ñivi na kándixa Jesucristo, xíní ñó'ó chikaq ndó ndee xí'in mji ndó ña vivíi kutaku ndó ta va'a kasa ndivi ndó ña kóni Ndios. Saá tuku chikaq ndó ndee ña koni va'a ka ndó Ndios. <sup>6</sup> Nasita xí'in mji ndó ña on ke'é ka ndó ña on vá'a; kundee ini ndó xí'in ña xó'vi ndó, ta on sandakoo ndó ña ndixa ndaa ini ndó Ndios. Xíní ñó'ó taxi xí'in mji ndó ña kutaku ndó ndatán káchí ini Ndios. <sup>7</sup> Ndixa kuki'vi ini ndó koni ndó natá'an ndó na kándixa Jesucristo, ta saá kuki'vi ini ndó koni ndó ndi'i ñivi.

<sup>8</sup> Tá ké'é ndó ndi'i ñava'a yó'o, ta ndi'i saá kivi chikaq ndó ndee ña kua'no ka ndó xí'in ñayó'o ñoq Ndios, ta saá nduu ndó ñivi na kisa ndivi chiño ña ndáya'ví ní, ta saná'a ndó ndí on sivi ña maní kúu ña xíní va'a ndó Jesucristo, Taa taká'no ñoq yó. <sup>9</sup> Tá yóo ñivi na kándixa Jesucristo, ta on vása kisa ndivi na ndi'i ñava'a yó'o, ta saá ñivi yó'o táku naa na, ndatán táku ñivi nakuáá nduchú ñoq, án na lo'o chíin kuiti va'a xito nduchú ñoq. Saá chi ñivi yó'o xa nandoso na ndí Ndios kisa ká'no ini ra xa'a kuachi ke'é na ta xa ndasa ndii ra na ñoq ra. <sup>10</sup> Ñakán, nañani yó xí'in náki'va yó, chikaq ndó ndee xí'in mji ndó ña kua'no ka ndó xí'in ñava'a ña ké'é ndó, chi ñayó'o sáná'a ña ndí ndixa Ndios ñakaxin ra ndó'ó ta kana ra ndó'ó kúu

ndó nañoo m̄ji ra. Chi tá saá ké'é ndó, ta nda ñii k̄iv̄i ɔn nakava ndó ɔɔ ña ɔn vá'a ña taxi sandakoo ndó ña kándixa ndó Jesucristo. <sup>11</sup> Ta saá Ndios xí'in ñas̄ij̄ ini ra taxi ra k̄i'vi ndó ɔɔ xá'nda chiño Jesucristo ndi'i saá k̄iv̄i ña vaxi. Ta Jesucristo kúu Taa t̄aKá'no ɔɔ yó ta kúu ra Taa t̄a Sákāku m̄ji yó.

<sup>12</sup> Ta saá nda ñii k̄iv̄i ɔn sandakoo i sánaká'án i ndó'ó x̄a'a ndi'i ñayó'o, vará ndó'ó xa x̄in̄i ndó ta ndino'o ini ndó kándixa ndó ñandaa ña nákaa táku ini ndó vitin. <sup>13</sup> Tá ña táku kāi, chiño ɔɔ i kúu ña sanaká'án i ndó'ó x̄a'a ndi'i ñandaa yó'o, <sup>14</sup> chi Jesucristo, t̄aKá'no ɔɔ yó, t̄axi ra ña kúndaa ini i ndí yach̄i ní kixaa ña k̄iv̄i i. <sup>15</sup> Ta x̄a'a ñayó'o chíkaa ní i ndee xí'in m̄ji i ña viv̄i saná'a i ndó'ó ndi'i ña x̄in̄i ñó'ó x̄a'a ña ndasaá va'a kutaku ndó ndatán kóni Ndios, ta saá tá xa ñixi' i i, ta ndó'ó nda ñii k̄iv̄i ɔn nandoso ndó t̄o'on yó'o.

### *T̄o'on yó'o ká'an x̄a'a ñalivi ña ká'no kómí Jesucristo*

<sup>16</sup> Tá k̄iv̄i saná'a ndi ndó'ó ña kundaa ini ndó x̄a'a ña ndikó tuku Jesucristo ñoyívi yó'o xí'in ndi'i ndee ra, ta ɔn vása ní-ka'an ndi xí'in ndó t̄o'on livi ña kāku s̄in̄i ñivi ñoyívi yó'o. T̄o'on ndixa kúu ña ndákuiin ndi x̄a'a ra, chi xí'in nduch̄u ɔɔ ndi x̄in̄i ndi ñalivi ká'no ra ta x̄in̄i ndi ndi'i ndee ra. <sup>17</sup> X̄in̄i ndi ndasaá Ndios Yivá yó t̄axi ra ñat̄o'ó ká'no nda'a Jesucristo, ta t̄axi ra ña livi ká'no náye'e ra ɔɔ ndi, chi nda ɔɔ livi ní yé'e ñoyívi ñino k̄ixi t̄o'on ña ñika'an, káchí ña saá: “T̄ayó'o kúu Sa'ya i, t̄a k̄i'vi ní ini i x̄in̄i i, ta kúsij̄ ní ini i x̄in̄i i ra”, káchí Ndios. <sup>18</sup> X̄in̄i so'o

ndi to'on yó'o, ña kee ñoyívi ñino kúu ña, saá chi ñayó'o xikuu ña kivi ñixa'an ndi ñixiyo ndi xí'in Jesucristo ño yuku síkón ña kúu yuku yji.

<sup>19</sup> Ta saá ndixa kúndaá ini yó ndí to'on ña ndato'on naprofeta xina'á kúu ñandaá. Ta va'a ndixa chikaá so'o ndó to'on ña ñika'an nayó'o, saá chi to'on yó'o chindeé ña ndó'ó. Ta to'on yó'o yóo ña xí'in ndó ndatán yóo ñii ño'o ña tóon ndiní ñoó anda kixaa ña tivi xitaan ta keta kimi tí tóon. Ta ndatán yóo kimi tí tóon xitaan, saá yóo Jesucristo, chi sanaye'e ra ini yó, ta táxi ra ña kundaá ini yó ñandaá. <sup>20</sup> Xini ñó'ó ní kundaá ini ndó ñayó'o: nda ñii ñivi on kúchiño na nandaxin mató'ón na xí'in siní mji na, án ndatán káchí ini mji na, to'on Ndios ña ñitaa naprofeta xina'á. <sup>21</sup> Chi to'on ña ñika'an naprofeta on vása ní-kaku ña siní mji na án níma mji na, saá chi Níma Ndios ñika'an to'on yó'o ini naprofeta ña ñika'an na ña xí'in ñivi, ndatán kóni Ndios.

## 2

*To'on yó'o ká'an xa'a nataa na saná'a to'on Ndios  
ña xa nasama na  
(Judas 4-13)*

<sup>1</sup> Tixin naño Israel kuiya xina'á ñixiyo naprofeta na on vása ní-ka'an ndoso to'on ña ndaa ndatán yóo ña ñika'an Ndios, chi nasama nayó'o to'on Ndios ndatán káchí ini mji na. Ta ñii kiva saá kixaa kivi ta nakuita nataa tixin ndó'ó, ta nayó'o saná'a na to'on ña vatá xa'a Jesucristo. Nataa na on vá'a saná'a yó'o kata ní'no na to'on ña nasama na, ta saá sandá'ví na ñivi na koni

so'o ña saná'a na, nda tondaa na ka'an na ndi on vása kándixa ka na Jesucristo, vará kúu ra ta ta nixi'i xa'a ña sakaku ra na. Nataa na sáná'a ña on vá'a yó'o ndiso ní na kuachi, ta Ndios taxi ra ñii kama kixaa ña sandi'i xa'a na. <sup>2</sup> Ta ku'a ní nivi kasa ndivi na ndi'i noo ña on vá'a xí'in ñakini, ndatán yoo ña taku nataa na sáná'a yó'o. Ta inká nivi na on xiin kandixa Jesucristo koto na ña on vá'a ké'é nataa yó'o, ta saá ka'an ndiva'a na xa'a yichi ña ndaa. <sup>3</sup> Nataa na sáná'a ña on vá'a ndasaá kuiti kúsi ní ini na ña naki'in na ku'a ní ši'un ndó xa'a ña sáná'a na ndó'ó ña káchí na kúu to'on Ndios, ta kúu ña to'on ña nasama mii na. Xa xina'á ní Ndios chitóni ra kasa nani ra xa'a ña on vá'a ké'é nayó'o, ta ndixa saá kundo'o na kivi ña vaxi.

<sup>4</sup> Chi Ndios on vása ní-kisa ká'no ini ra xa'a naángel na niki'vi kuachi xina'á, ta sakana ra na ku'an na ndaya, ta nó'ni na ñó'o na noo naa, ña ndáti na anda kixaa kivi ña kasa nani ra xa'a ndi'i kuachi. <sup>5</sup> Ta ndixa Ndios ni-kisa ká'no ini ra xa'a nivi na xitaku ñoyívi yó'o kuyi xitaku taNoé xina'á. Ta taNoé nika'an ndoso ra xí'in nivi yó'o ndasaá vivii xini ñó'ó kutaku na ndatán kóni Ndios. Ta nivi yó'o ni-xiin na chikaa so'o na to'on Ndios, ta saá Ndios sakoon ra savi na'á satá nivi yó'o, ta nixi'i ndi'i na, ta Ndios sakaku ra ndasaá kuiti taNoé xí'in uxá nivi. <sup>6</sup> Saá tuku Ndios kisa nani ra xa'a kuachi nivi nañoo Sodoma xí'in nañoo Gomorra, sandi'i ra xa'a na xí'in ño'o xixi ña kee ñoyívi nino, nixixi ndi'i ñoo na xí'in ndi'i mii na anda nduu ndi'i ña nixixi yó'o yaá kuiti. Nayó'o kúu ña sáná'a ndasaá kini ní kundo'o nivi na ndiva'a ini. <sup>7</sup> Ta Ndios sakaku

ra taLot ña n̄i-xix̄i ra ñoo Sodoma, chi tayó'o x̄ikuu ra ñii tāa ta va'a ini, ta n̄ita'vi ní ini ra x̄ini ra ndi'i ña ɔn vá'a ñakini x̄itaku n̄ivi ñoo yó'o. <sup>8</sup> Tāa ta va'a ní ini x̄ikuu ra, ta ñii ñii k̄ivi n̄iya'a yo'vi ní x̄itaku ra ñoo Sodoma, chi x̄ito ra ta x̄ini so'o ra ndi'i noo ña ɔn vá'a ké'é n̄ivi yó'o. <sup>9</sup> Ndi'i ña ké'é Ndios x̄i'in n̄ivi sáná'a ña ndí x̄ini ra ndasaá chindeé ra n̄ivi na chíkaa so'o to'on ra, ña sakaku ra na noo ndi'i ña yo'vi x̄ito ndoso ña'á. Ta ñii k̄i'va saá, x̄ini ra ndasaá saxo'vi ra n̄ivi na ké'é ña ɔn vá'a, ta ke'é ra saá x̄i'in na k̄ivi k̄ixaa ña kasa nani ra xa'a kuachi ndi'i n̄ivi.

<sup>10</sup> Ta Ndios saxo'vi ka ra n̄ivi na táku kisa ndivi ndi'i ña ɔn vá'a ñakini ña kútoo ȳikí koñu m̄ii na, saá chi n̄ivi yó'o nda lo'o ɔn x̄iin na chíkaa so'o na to'on xá'nda chiño Ndios noo na. Ta nataa na sáná'a to'on Ndios ña nasama m̄ii na, só'ó ní na, ɔn vása táxi na x̄i'in m̄ii na ña kon̄i so'o na ñandaa. Ta kúu na n̄ivi na ña'a ní ini, ta káchí s̄inj̄i m̄ii na ndí kómí na ndeé ká'no ka, ta ni ɔn vása yí'ví na kándiva'a na x̄i'in ndeé ná'no ka noo na. <sup>11</sup> Ta naángel, na yóo noo Ndios, vará kómí ka na ndeé noo nataa yó'o, ta naángel yó'o ɔn vása x̄iin na ka'an na to'on ña kándiva'a xa'a ink̄a ndeé ná'no.

<sup>12</sup> Ta nataa ɔn vá'a yó'o ndatán táku kit̄i t̄iyukú táku na, chi kit̄i yukú yó'o ndasaá kuiti táku rí kisa ndivi rí ndatán kóni ním̄a m̄ii rí. Ta t̄iyó'o kaku rí xa'a ña tiin n̄ivi rí ta ka'ni na rí. Ta ñii k̄i'va saá kundo'o nataa ɔn vá'a yó'o, chi nayó'o ká'an na to'on ndiva'a xa'a ña ɔn vása kúnda ini na, ta ndatán ndi'i xa'a kit̄i yukú, saá ndi'i xa'a na. <sup>13</sup> Ta nataa ɔn vá'a yó'o, kixaa k̄ivi ña naki'in na ya'vi na xa'a ña ɔn vá'a ké'é na ña

táxi xò'vì inka ñìvì. Xí'in ñasìjì ini na ké'é na ndi'i ñòò ña kútoo yìkí kòñu na, òn kòó ñatò'ó kómí na, ni òn vása násita xí'in mji na ñòò ña ké'é na ndi'i ña òn vá'a, vará ndiví xító kà ñìvì kúu ña. Ta kìvì nataa òn vá'a yó'o xíxi na xí'in ndó ñòò yóo viko ñòò nákutá'an ndó'ó na kúu na kándixa Jesucristo, ta ña ka'an ní ñòò kúu ña xító ndó ñakini ké'é nataa yó'o.

<sup>14</sup> Ta nataa òn vá'a yó'o, ndi'i násí'í ná xító na ñòò, ta kútoo ní na kì'vì na kuächì ñoyíví xí'in ná. Nda ñii kìvì òn vása sándakoo na kí'vì na kuächì ña kúu ña kútoo ní yìkí kòñu mji na. Ta chú'u na ñìvì na lo'o ní kándixa Jesucristo ña ké'é na ña òn vá'a. Nataa òn vá'a yó'o òn vása xáa ini na xí'in ña xa kómí na, ta ndi'i saá kìvì kóni na kukomí na ndi'i ña káchí ini mji na. Nataa yó'o ndíso na chi'ña xa'á ña òn vá'a ké'é na, ta Ndios taxi ra kò'òn na ñòò xò'vì ní na. <sup>15</sup> Nataa yó'o xa sándakoo na yichì ndaa, ta ñakì'in na ndíkòon na kuá'an na yichì taprofeta Balaam ta tá xítaku xina'á, tayó'o xikuu sa'ya ta Beor. Saá chi taprofeta yó'o kútoo ní ra kí'in ra sì'ún xa'á chiño òn vá'a ke'é ra. <sup>16</sup> Ta saá kee ra kuá'an ra ña satavì chi'ña ra ñaño Israel, ta ñi-kuchiño ra, chi ñii tíburra, kitì tí òn vása xínì kà'an tò'on kúu rí, ta tíyó'o ñika'an rí tò'on xí'in ra, ta xí'in ña ñika'an rí sasi rí ñòò ra, ta ñi-kuchiño ra kasa ndiví ra chiño kí'ví ña kuá'an ra ke'é ra.

<sup>17</sup> Nataa òn vá'a yó'o yóo na ndatán yóo pozo yìchì ña òn kòó takuíí kómí, ta yóo na ndatán yóo viko ña sándachì tächì na'á kuá'an ña ñòò chinda'á tächì yó'o ña. Ta Ndios kasa nani ra xa'á nataa yó'o, ta ti'ví ra na kò'òn na ñòò naa

ní ña xo'vi na ndi'i saá kivi. <sup>18</sup> Nayó'o kuə'a ní chínóo na noo to'on ká'an na, ña sanoo na ini nivi ña kandixa na ña sáná'a na, ta to'on vichí ña on vása ndáya'ví kúu ña sáná'a na. Ta xí'in to'on yó'o chú'u na nivi na sákán sandakoo yichí on vá'a, ña tuku ké'é nayó'o ña on vá'a ña kútoo ní yiki koñu na. <sup>19</sup> Ta nataa on vá'a yó'o ká'an na, káchí na saá: “Tá kundikon ndó sata ndi, ta saá kuu ndó nivi na kaka ndíka noo ndayi, ta saá on koó ka ña xá'nda chiño noo ndó”, káchí na. Ta mji nataa yó'o kúu nivi na nó'ni kútu xí'in ndi'i noo ñakini ta xí'in ndi'i noo ña on vá'a ké'é na. Saá chi tá ñii ña on vá'a kúndeé ña noo nivi, ta ña on vá'a yó'o kúu ña xá'nda chiño noo nivi yó'o. <sup>20</sup> Yóo nivi na xa kundaa ini to'on va'a xa'a Jesucristo Ta taKá'no noo yó ta sandakoo na yichí ña on vá'a ñoyívi yó'o. Ta saá, tá nivi yó'o ndikó koo tuku na ta kixá'á na naki'in na yichí on vá'a, ta tuku taxi na ña xá'nda chiño ña on vá'a ñoyívi noo na, ta saá nivi yó'o kuiso ka na kuachi noo ña xindiso na si'na. <sup>21</sup> Va'a ní ka, níkúu, tá nda ñii kivi ni-kundaa ini na xa'a yichí ña ndaa, saá chi xa'a ña kundaa ini na yichí ña ndaa, ta sandakoo na yichí yó'o, ta ña ké'é na saá Ndios ndeé ní ka saxo'vi ra na. <sup>22</sup> Ta xí'in ña ké'é nivi na on vá'a yó'o saá, táxi na ña kundaa ini yó ndí ña ndíchí ká'an to'on ña káchí saá: “Tí ina ndikó tuku rí kaxi rí ñakini nduxan rí.” Ta inká to'on ndíchí káchí saá: “Tíkiní sákán chichi rí xí'in takuií ndii, ta tuku ndikó rí sakuchu xí'in mji rí nda'yi kini”, saá káchí to'on ndíchí.



*Tò'on yó'o ká'an xá'a Jesucristo ndikó ra ñoyívi yó'o*

<sup>1</sup> Nañani yó xí'in náki'vạ yó, na kí'vi ní ini*ị* xini*ị* kúu ndó, ñayó'o kúu tutu ovi ña táa*ị* xaạ nda'a ndó. Ta xí'in ña ovi tutu yó'o saá sánaká'án*ị* ndó'ó ña ndixa xini ñó'ó kani sini ndó xá'a ñava'a ña kúu ñandii ndino'o. <sup>2</sup> Kóni*ị* ña naká'án sini ndó tò'on Ndios ña ñika'an ndoso naprofeta kuiya xina'á. Saá tuku kóni*ị* ña naká'án sini ndó ndayí ña xa'nda chiño Jesucristo Taa taKá'no noo yó ta sakaaku mii yó, chi mii ndi naapóstol saná'a ndi ndó'ó tò'on yó'o.

<sup>3</sup> Ña si'na ka xini ñó'ó kundaa ini ndó kúu ña ndasaá koo tá xa kuyatin vaxi kivi sondí'í. Chi kivi saá kutaku nivi na kutoo ní ke'é ndi'i noo ña on vá'a ña káchí ini mii na, ta kusiki na nivi xa'a ña kándixa na Jesucristo, <sup>4</sup> ta ka'an na xí'in na, ndaka tò'on ña'á na, kachí na saá: “¿Míkía yóo Jesucristo ña kasa ndivi ra tò'on ra ña ñika'an ra xí'in ndó, ndikó ra ñoyívi yó'o? Chi xa nixi'i va yivá si'í yó, ta tá kaa ka va ñoyívi yó'o, ndatan kaa ña kivi noo xina'á, ñii ki'va saá kaa ña nda kivi vitin”, kachí na, kusiki na nivi na kándixa Jesucristo kivi saá. <sup>5</sup> Nivi na kusiki yó'o on xijn na kandixa na ndí Ndios xí'in tò'on ña ñika'an ra kisa va'a ra ñoyívi yó'o ta kisa va'a ra ñoyívi nino. Ta noo yóo ku'a ní takuií mii, ta ñika'an Ndios ta kana ño'o yichí tixin takuií yó'o, ta saá takuií yó'o xino nduu rá ña. <sup>6</sup> Ta saá kivi xitaku taNoé, ta Ndios xa'nda chiño ra noo takuií ta sagoon ra savi na'á, ta sandi'i ra xa'a ndi'i ña nixiyo ñoyívi kuiya xina'á. <sup>7</sup> Chi Ndios chindú'u ra tò'on ra ña kasa ndivi ra ña ñika'an ra ndí

ñoyívi yó'o xí'in ñoyívi ñino ña xító yó, ndáti ña ñii kivi ndi'i xa'a ña xí'in ño'o xíxi. Saá kọkọ ndi'i ña kuva'a kivi ña kasa nani Ndios xa'a kuachi ñivi, ta ñivi na ọn vása ní-xiin kandixa Ndios kọ'ọn na ọọ xo'vi ní na ndi'i saá kivi.

<sup>8</sup> Ta ndó'ó, nañani yó xí'in náki'va yó, na kí'vi ní ini i xini i kuu ndó'ó; ta kóni i ña ọn nandoso ndó ndi ọọ Ndios ñii kivi yóo ña ndátan yóo ñii mil kuja, ta ñii mil kuja yóo ña ndátan yóo ñii kivi, saá yóo ña. <sup>9</sup> Vará sava ñivi xáni siji na ndi Ndios kuachi ní ra ña kasa ndivi ra ña ñika'an ra, ta ọn sivi saá yóo ña. Ndixa Ndios ta ká'no ini kuu ra xí'in ndi'i ñivi, ọn xiin ra ndi'i xa'a nda ñii ñivi; chi ndáti ra ña ndi'i ñivi nandikó ini na ọọ ña ọn vá'a ké'é na, ta va'a ná ki'vi na yichi ọọ xá'nda chiño ra.

<sup>10</sup> Ta kivi ña ndikó Jesucristo ñoyívi yó'o kuu ñii kivi ña ọn vása ndáti ñivi, chi ndátan yóo ña kixaa ñii taku'na ñoó ña kasa ku'na ra, saá koo kivi ndikó Jesucristo. Ta kivi kundivi ñayó'o saá, ndeé ní ñi' ta ndi'i xa'a ñoyívi ñino ña xító yó, ta ndi'i ña yóo ñoyívi ñino kaa kọkọ ndi'i ña xí'in ño'o xíxi ta ndi'i xa'a ña, ta ñoyívi ọọ ño'o yó'o xí'in ndi'i ña yóo ọọ ña ñii ki'va saá kundo'o ña.

<sup>11</sup> Ta xa'a ña ndixa kúnda ini yó ndi ndi'i xa'a ñoyívi, ta saá xini ñó'ó vivii kutaku yó ta taxi xí'in mji yó kasa ndivi yó ña kóni Ndios. <sup>12</sup> Ta xí'in ñasiji ini yó xini ñó'ó kundati yó kivi yó'o, ta chikaa yó ndeé xí'in mji yó ña kasa ndivi yó ña kóni Ndios, ta saá kama kixaa kivi ña kasa nani ra xa'a kuachi ñivi. Chi kivi yó'o ndi'i xa'a ñoyívi ñino ña xító yó ta ndi'i ña kómí ña, kọkọ ña xí'in ño'o xíxi ta ndi'i xa'a ña. <sup>13</sup> Ta mji yó ndáti yó

ta ndáa ini yó Ndios ña kasa ndivi ra to'on ra ña ñika'an ra ndí ndasa xaá ra ñoyívi ñino ña xító yó, ta ndasa xaá ra ñoyívi noo ño'o yó'o. Ta ñaxaá kasa va'a Ndios yó'o kúu noo kutaku ñivi na ndii níma, ta ndi'i saá kivi kasa ndivi na ña kóni Ndios.

<sup>14</sup> Ñakán, nañani yó xí'in náki'va yó, tá'an ndáti ndó ña kixaa kivi ña kundivi ñayó'o, chikaa ní ndó ndee xí'in mii ndó ña ndii ta vivii kutaku ndó noo Ndios, ta ndixa koo va'a ini ndó chi xa va'a nákutá'an ndó xí'in Ndios. <sup>15</sup> Naká'an ndó ndí ta ká'no ini kúu Ndios, ta ndáti ra ña nandikó ini ñivi noo ña on vá'a ké'é na xa'a ña kuchiño sakaku ra na. Ñii káchí ká'an to'on ña ñitaa ñani yó taPablo kivi tiví ra tutu ña ñixaa nda'a ndó; ñitaa ra tutu yó'o xí'in ñandíchi taxi Ndios nda'a ra. <sup>16</sup> Noo ñii ñii tutu ña ñitaa ñani yó taPablo ndato'on ra xí'in ndó xa'a ndi'i ñayó'o, ta ndixa yoo sava to'on ña ñitaa taPablo ña yo'vi ní kunda'a ini yó. Ta ñivi na naa ini xí'in na sakán lo'o kuiti kándixa Jesucristo, nayó'o násama na to'on yó'o, ta ñii ki'va saá násama na ndi'i to'on ña ñika'an Ndios ña ñitaa ñivi xina'a. Ta xa'a ña násama na to'on Ndios, ñivi yó'o ko'on na noo xo'vi ní na ndi'i saá kivi.

<sup>17</sup> Ta ndó'ó, nañani yó xí'in náki'va yó, xa'a ña kunda'a ini ndó ñayó'o, xini ñó'ó koto va'a ndó ña on taxi ndó sandá'vi ña on vá'a ndó'ó ña nakava ndó yichi ñivi na on vá'a, ta ni on sandakoo ndó ña kándixa ndino'o ini ndó Jesucristo. <sup>18</sup> Nda víka ndixa ñii ñii kivi xini ñó'ó chikaa ndó ndee ña koni va'a ka ndó Jesucristo, Taa taKá'no noo yó, ta kúu ra Taa ta Sakaku

m̄ji yó. Ñava'a ña xa tax̄i ra nda'a ndó chindeé  
ña ndó'ó ña ndino'o k̄a kutak̄u ndó ñii ñii k̄iv̄i  
nda'tán kóni m̄ji ra. Ná kasa ká'no ní yó ra nda  
vitin taṅḍa ndi'i saá k̄iv̄i ña vaṅxi. Saá ná koo ña.

**Alcatlatzala Mixtec New Testament  
Mixtec, Alcatlatzala: Alcatlatzala Mixtec New  
Testament (New Testament+)**

copyright © 2019 Wycliffe Bible Translators, Inc.

Language: Mixtec, Alcatlatzala

Contributor: Wycliffe Bible Translators, Inc.

All rights reserved.

2020-11-11

---

PDF generated using Haiola and XeLaTeX on 21 Feb 2024 from source  
files dated 29 Jan 2022

a74bfb3f-bd55-5ab9-983e-8d19de48c198